

Observationes et meditationes quaedam practico-anatomicae circa opus generationis in foeminis ... / [Herkules David Hennenhofer].

Contributors

Hennenhofer, Herkules David, active 1719-1721.
Hilscher, Simon Paul, 1682-1748.
Universität Jena.

Publication/Creation

Jenae : Litteris Hellerianis, [1719]

Persistent URL

<https://wellcomecollection.org/works/amt3jk7>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

Q. D. B. V.

OBSERVATIONES ET MEDITATIONES

PRACTICO - ANATOMICAE
CIRCA

OPVS
GENERATIONIS
IN FOEMINIS
IN DISSERTATIONE PVBLICA

RECTORE MAGNIFICENTISSIMO
SERENISSIMO PRINCIPE AC DOMINO
DOMINO

GVILIELMO HENRICO
DVCE SAXONIAE IVLIACI CLIVIAE MONTIVM
ANGARIAE VVESTPHALIAE ET RELIQUA

PRAESIDE

SIMONE PAVLO HILSCHERO

DOCTORE MEDICO ET PRACTICO IENENSI

FAVTORE ET PRAECEPTORE SVO VENERANDO

PVBLICO PHILIATRORVM EXAMINI


SUBMITTVNTVR

AD DIEM FEBRVARII ANNO c^occ^xix.

A RESPONDENTE

HERCVLE DAVIDE HENNENHOERO
VLMENSI.

JENAE, LITTERIS HELLERIANIS.



OBSERVATIONES ET MEDITATIONES
QVAEDAM
PRACTICO - ANATOMICAE
CIRCA
**OPVS GENERATIONIS
IN FOEMINIS.**

§. L



Illum in tota œconomia animali negotium multis adhuc difficultatibus, dubisque involutum est, erit sane negotium generationis ē parte maxime fœminarum, sive conceptionem, sive formationem nutritionemque foetus, sive denique ipsum partum, & quæ ad harum actionum signa, variaque phænomena attinent, spectes. Operam igitur nostram non male collocaturos nos esse confidimus, si observationes & meditationes quasdam, quas nobis circa generationis in fœminis negotium tum praxis medica, tum dissectio partium genitalium fœmellarum, tam in hominibus, quam brutis, ipsorum-

que fœtuum apertio cultro anatomico peperit, eum in finem proponamus, ut vel hucusque nota magis confirmetur, nova quædam examinentur, vel quoque addantur, aliorumque placido examini tradantur.

§. II. Convertit autem primo loco ad se meditationes nostras *cognitio gravidatis*. Quam ardua enim hæc in foro medico res sit, vel ex eo patet, quod non solum medicorum, sed & parentum atque familiæ, imo interdum ipsius reipublicæ, intersit, tempestive ac certo scire, an fœmina utero gerat, nec ne? quo hujus spes omni modo defendi queat. Accurata hujus momenti pensatio sanitatis morborumque artifices impulit, ut de signis graviditatis in scholis suis maxime essent solliciti, eademque ad normam diagnoseos, tum sanitatis, tum morborum, è consuetis signorum fontibus, essentialiter nempe inhærentibus, essentialiter consequentibus, causis, & similitudine desumerent. Ad essentialiter quasi inhærentium classem merito retulerunt 1.) mensium emansionem in sanis, justæque ætatis fœminis, 2.) incrementum abdominis debitum, atque 3.) motum ipsius fœtus. Quæ tria vero hæc signa certo ordine se invicem consequi debent, sibique proportionatim respondere, ac relationem ad se invicem habere, pereruditæ ita judicante *Illustri & venerabili Academie nostræ Semiore WEDELIO*, in dissertatione de notis gravidarum. Licet enim, quod mensium emansionem attinet, eadem non semper conceptionem factam sequatur, dum scilicet quandoque primis mensibus fluxus hic, parciori quamvis quantitate, continuat, & interdum ad tempus usque gestationis medium: interdum etiam per aliquot mensium spatium desinit, & de novo conspicendum se sistit, salvo nihilominus manente fœtu, testantibus id observationibus. Ejusmodi tamen casus extraordinarii sunt, & per consequens regulam ordinariam:

quod

quod mensum emanatio in ianis, & coniunctio viri, bene se habentis, utentibus foeminis, graviditatis sit index, minus invertunt. Ad signa vero essentialiter consequentia spectant ea, quæ vel menses retentos, & inde immutatam Mam Seum, quoad quantitatem, qualitatem, & motum, vel ipsum incrementum abdominis, & in hoc latentis uteri excipiunt, & ab iisdem dependent. Ut itaque historia & ordo signorum graviditatis, tam essentialium, quam essentialiter consequentium, & reliquorum, secum invicem sociatorum, sequenti potissimum ratione vulgo tradatur.

§. III. Foemina corpore vegeto justaque ætate pollens post coitum cum mare, ad generandum habili, præter morem delectantem, eodem die, & sequente, uno altero-que horrore, nec non dolore tolerabili, circa lumbos, & in hypogastrio, corripitur, postea accedunt nausea ciborum, imprimis carnium, coctarum assatarumque, vomitiones, *εὐστοσίς*, atque morositas quædam, quandoque adversus ipsum maritum, venerem concupiscentem, anxietates tum à cibo, quo usque rejiciatur rursus, tum à vestitu arctiori, & aliàs; quandoque caligines oculorum, & imminens lipothymia, tributi lunaris emansio, mutatio coloris faciei, & ephelidum, s. macularum in eadem eruptio, jam suo tempore *optimo artis nostræ parenti HIPPOCRATI cognitæ, teste libr. de sterilitate c. 6. text. 9.* dentium dolor non raro. Mense altero tertio-que tumor ventris observatur circa regionem hypogastricam, & umbilicum, qui sensim etiam versus lumbos exporrigitur, occurritque non raro in mollioris animi, minusque firmati judicii foeminis, appetitus incongruorum, ratione temporis & quantitatis imprimis. Medio mensis quinti fit perceptio mo-tus fœtus debilis, micantis, & quasi pulli gallinæ, grana colligentis, hinc fortioris & subsultantis, qui ultimis mensibus volutanti similis fit, ut modo ulna, modo genu, modo caput

ventri non admodum obeso admota manu tangi queant. Interna mammæ cum tensione quadam factæ sunt turgidulæ, arriguntur gliscuntq; papillæ, & compressæ lacteum quid fundunt, fiuntque admodum sæpe varices in pedibus, h. e. nodi & crispaturæ venarum, unde Germanis *Rindes* - Aldern dicuntur.

§. IV. Perbene vero doctis prudentibusque medicis notum est, quod cuncta jam recensita è conceptione gravidatis signa raro in uno eodemque subjecto accurate spectentur; quin sæpe numero in robustioribus paucissima è consequentibus adsint, aut minus aestimentur: in valetudinariis autem cum hystericis, hypochondriacisque symptomatibus ita complicentur, ut sæpe primiparas non solum fœminas, sed & has, quæ jam aliquoties peperere, ad quintum mensem, & perceptionem motus fœtus manifesti suspensas teneant, uti iisdem fere verbis exposuit *Magnificus atque celeberrimus SLEVO G-
TIVS* *dissert. de partus naturalis cum præternaturali collatio-*
ne §. 12.

§. V. Quam vere & sapienter hæc ipsa à Viro laudatis-
fimo sint pronunciata, quotidiana praxis satis superque testa-

Quot enim quæso dantur fœminæ, quæ adeo sagaces, teneræque & sensibilis texturæ sunt, ut leviculum istum hypogastrii lumborumque dolorem, vel etiam horrorem, semel vel bis primis diebus invadentem, percipient, aut adeo ad eundem attendant, ut accurate vel maritos, vel medicos de his phænomenis certiores reddere queant? Neque perceptio delectationis, præter morem in coitu insignis, admodum probabile conceptionis fientis signum præbet: cum quædam fœminæ sæpius tali oblectatione in coitu fruantur, neque tamen concipient: alia vero vel nulla, vel levi, inter mariti amplexus affiantur, singulis tamen annis utero gerant,
sicuti

sicuti CORNELIUS SOLINGEN, *Tract. de officio obstetricum cap. 1. p. m. 590.* recenset, se novisse fœminas, quæ ingenuæ sibi sint confessæ, se nunquam in coitu voluptate perfusas fuisse, nihilominus tamen quotannis concepisse.

§. VI. Cum igitur initium graviditatis prime mense accurate & certo dignoscere, ardua res sit, eo magis ad omnia phænomena in subjectis fœmineis, de quibus conceptionis aliqua suspicio est, attendendum censemus. Observavimus vero duodecim abhinc annis in aliquot, quæ concepere, fœminis frequentiorem solito ad urinam reddendam stimulum, & in quibusdam sibi satis notabiliter molestum, quem ideo nobis, vel coram, vel per maritos, exposuere. Pensitavimus hoc phænomenon, & subsequentibus annis pluribus vicibus annotavimus, explorantes id ipsum ē maritis vel fœminis ipsis, sicut tulit occasio. Dumque scriptionem hanc hucusque meditati sumus, idem nobis testatæ sunt plures personæ. In specie vero civis hic loci honestus nos certiores fecit, quod uxor sua, sex liberorum mater, semper circa imprægnationis initia ad trium hebdomadum spatiū frequentius solito urinam reddere opus habuerit. Idem paucis abhinc diebus confessa nobis est honestatis pariter laude conspicua fœmina, quæ jam duplii prole maritum exhilaravit, & in præsenti tertia vice duas circiter hebdomadas se gravidam esse ē duobus hisce phænomenis judicat: quod appetitus carnium fere nullus, sed faltem panis butyro illiti, stimulusque frequentior paulo ad emittendam urinam, quam præcedentibus hebdomadis, adfint. Solet hæc frequentior ad vesicam exonerandam irritatio primis tribus vel quatuor graviditatis hebdomadis potissimum observari, in aliis levior, in aliis vero fortior; postea vero sensim eadem evanescit, uti quidem nobis annotare licuit.

§. VII. Proponimus hocce circa praxin nobis enatum, & novum fere visum, graviditatis inchoatæ signum, eum potissimum in finem, ut medici ac mariti ad idem imposterum attendere dignentur, siue idipsum universale deprehenderint, inter conceptionis factæ signa referre velint. Verisimile enim videtur, phænomenon hoc in omnibus fœminis paucis post conceptionem diebus se exerere, licet hactenus a paucis forsan medicis fuerit annotatum. Dantur enim saepe in rebus tam physicis quam medicis obvia phænomena, & quotidiana, quorum tamen quandoque non conveniens fit annotatio, vel attentio.

§. VIII. Est porro signum allegatum tale, quod statum uteri, post conceptionem immutatum, prompte consequitur, atque è principiis Physiologicis & Anatomicis lubentissime fluit. Neminem enim vel leviter in Anatomia versatum fugit, quod pars uteri anterior superne cum vesica cohæreat, & quod sphincter vesicæ orificio uteri interno fere sit superpositus, quamvis hoc non nihil retrorsum inclinet. Dum igitur à fœcundo liquoris masculi contagio, seu spiritu, hactenus compacta satisque firma uteri substantia rarescit, ejusdemque cavitas pro recipiendo novo amicoque hospite expanditur, aliter fieri non potest, quin, propter arctam cervicis matricis cum urinaria lagenula per fibras membranaceas connexionem, vasculum hocce ad sui corporis contractionem subinde, & frequentius solito, solicitetur, & , per consequens, frequentior ad mingendum stimulus adsit, quam iisdem non fœtis. Cessat autem post lapsum duarum, trium, quatuorve hebdomadum frequentior hæc ad mingendum irritatio, quia provecta ori graviditatis tempore uterus magis quoad partem medium, siue corpus, atque fundum, versus ilia, regionem hypogastricam & umbilicalem expanditur, unde stimulus vesicæ sphincteris

pteris deficit, mole uteri in altiorem locum se recipiente ; vel si forsan aliqualis lenisque remaneat, natura istius assveta eundem perferre dicit.

§. IX. Facile vero patet hucusque expositum frequentiorem ad mingendum stimulum, primo mense in gravidis contingentem, utique differre ab ista vehementi ad urinam reddendam irritatione in iisdem, quando fœtus longius paulo tempus partus medium transgressus, uno verbo partui proximior, aliquando ita importune vehementerque in suo ergastulo commovet artus, ut hi versus vesicam cum impetu propulsi eandem comprimant, & contra matris voluntatem liquorem obscenum è matula microcosmica expellant ; vel ipse uterus, quietus licet, in quibusdam fœminis mole sua, magis deorsum vergente, vesicam angustiorem reddat, adeoque frequentiori urinæ excretioni occasionem præbeat.

§. X. Aliquod observationis vestigium, cum nostris experimentis quodammodo conveniens, legimus apud ANTONIVM MOLINETTVM *Dissertat. Anatomico - Patholog.* L. VI. c. 7. p. m. 304. ubi adserit, quod fœtantes mulieres, iisdem ipsis non prægnantibus non solum sæpius, sed multo etiam copiosius mingant. Ast ingenue fatemur, commemoratum à nobis ad frequentius mingendum stimulum primis tribus, vel quatuor saltem graviditatis hecdomadis, observatum fuisse, postea vero evanuisse. Neque etiam cum laudato Italo audemus pro certo adstruere mollem urinæ excretæ in gravidis longe copiosiorem esse, quam iisdem non foetis : cum nondum evictum sit, foeminas utero gerentes majorem potulentorum copiam adsumere, quam extra imprægnationis tempora. Multo minus dicto Autori subscribimus, dum retur, foetum in utero parum, vel nihil prorsus urinæ secerne-re, sed renes matris dupli eo tempore munere perfungi,

imprimisque id agere, ut necessitati utriusque corporis, foetus videlicet & matris, eorum actio respondeat. Hanc enim assertionem jam dudum celeberrimus BERGERVS *Physiolog. Med. L. I. c. 13. p. 207.* ex hac potissimum ratione maxime redidit dubiam, quod nihil à foetu ad matrem revelli possit, vel hoc experimento teste, quod liquor siphone per arterias umbilicales injectus per venam umbilicalem redeat, modo placenta fuerit illæsa ; ad quod experimentum non minus provocare videmus Cl. FRIDER. HOFFMANNVM *Medic. Rational. Systemat. Tom. I. p. 346.*

§. XI. Satis dictum esto de stimulo ad frequentius emitteendam urinam in gravidis, tanquam signo conceptionis non pridem factæ una cum aliis merito sociando. Invitat nos nunc aliud signum postessentialis graviditatis ad sui considerationem, & pensitationem intimorem. Est hoc urina coloris spicæ vel straminei, aut citrei remissioris paulo, cum sedimento, vel potius enæoremate seu suspensione, non nihil ad fundum declinante, instar lanæ tenuiter carptæ urinæ innataente. Deterreto equidem à proponendo signo hocce facile nos potuisset monitum Cl. in arte salutari Virorum, FORESTI, CORDI, MINDERERI, SCHEFFERI, BERGERI, aliorumque, quod scilicet vir gravis atque honestus se non facile urinarum inspectioni dedere debeat, præsertim, cum alia signa non desint, ē quibus morbi, corporisque indolem rectius cognoscamus. Verum enim vero licet prudenti huic monito omnino subscriendum esse putemus : attamen & nobis largiendum esse arbitramur, quod ad dignoscendam oeconomiæ animalis rationem maxime dubiam omnibus signis, collective sumptis, opus sit ; idque in statu graviditatis, saepe admodum dubio, quam maxime quoque locum habeat. Plusculis nempe, ut in viam, à qua discessimus, revertamur,

ab his annis Practicus quidam veteranus, ac celeberrimus, signum hoc nobiscum communicavit, simul fidem suam interponens, phænomenon hoc se rarissime in dignoscenda gravitate fecellisse. Adhibuimus igitur subsequentibus annis id ipsum in casibus dubiis, ita tamen, ut ad reliqua quoque signa, & ex his maxime ad mensium emansionem, abdominis que augmentum attenderimus, & semper prædictio respondit eventui. Cum enim urina descripta non admodum multum à facie urinæ naturalis abeat, sed saltem innuat, factam esse leviorem quandam mutationem circa coctionem primam, s. chylificationem, quin & secundam, s. sangvificationem; ideo, reliquis graviditatis signis præsentibus, eo magis eandem indicat, & statum cachecticum, vel obstructionem mensium morbosam, adesse negat.

§. XII. Nullo modo vero signum hocce ab urina de sumptum pro novo quodam invento venditamus, paulo post enim ac idem nobis tanquam egregium commendatum erat, legimus in *illustris nostri WEDELII* supra laudata dissertatio ne p. 19, quod ipsum jam suo tempore EBNSINA s. AVICENNA commemoraverit, atque ex eodem JO. GVIN THERVS ANDERNACVS de med. veter. Et nova com ment. i. dialog. i. p. 514. sequentibus verbis descripscerit: Urinæ farinæ similes in ægrotis longæ valetudinis adversæ indicia; in gravidis tamen etiam sanis observari possunt. Quippe non nulla tenui farinæ aut amylo similia in illarum urinis, etiam cum bene valent, innatant, in quibus, dum quietæ servantur, crassius aliquid lanæ tenuiter carptæ instar in imo subsidet, vel in medio hæret, quod conceptum indicat, ut sæpe sumus experti.

§. XIII. Ex hactenus dictis prompte fluit, urinæ considerationem in gravidis non penitus negligendam, sed reli quis

quis quoque signis merito sociandam esse, in casibus maxime dubiis, & ubi mensium obstructio morbifica loco veræ imprægnationis à foeminis, illicita venere usis, prætenditur, vel conceptio alias ignoratur. Solet enim urina in foemellis, per aliquot mensium spatium obstructionem præternaturalem tributi lunaris passis, vel aquosior, vel teste L O M M I O Observ. L. 2. p. 274. crassa, turbida, rubicunda, & interdum nigricans observari. Præterea sibi de graviditate ex impuro coitu contracta male consciente sæpiuscule medico liquorem obscenum exposcenti eundem exhibere denegant, & hoc ipso se magis suspectas reddunt, vel intuenti, & de graviditate pronuncianti corporis sui statum cum nimis sero pudore profertur.

§. XIV. A phænomenis, circa urinæ excretionem, ejusdemque statum in gravidis occurrentibus, & tanquam signis conceptionis factæ simul adhibendis, meditationes nostras ad placentam uterinam dirigimus. Pro certo vero ponimus incertam esse hujus substantiæ sedem, eandemque non solum matricis fundo lateribusque, sed & cervici, uterique ostio adnasci, præsertim, postquam idipsum Cl. Anatomici, Magnificus scil. noster SLEVOGTVS in programmate de incerta placenta uterina sede, dissertationi Inaugurali de Tenesmo D. D. Pillingii annexo, atque Excell. SCHACHERVS in dissertatione Inaugurali Dn. Seyleri de placentæ uterine morbis, observationibus omni exceptione majoribus clarissime eviceret; idem non minus confirmantibus Excellentissimis Viris WELSCHIO atque HEISTERO, in tabulis & compendiis suis Anatomicis.

§. XV. Observationes, quas diversa hujus substantiæ sedes nobis in praxi suppeditavit, sunt sequentes: Duabus honestissimis foeminis diversis temporibus à consiliis medicis fui-

mus,

mus, quarum una sexies, altera vero bis uterum gesserat.
 Ultraque quidem mihi exponebat mensium emansionem, sed
 querebatur simul de tumore, & aliquo gravativo dolore, ver-
 sus regionem pubis magis vergente, qui tamen tumor sibi o-
 lim gravidis altiori loco consederit: verba earum erant: **E**s
 wåre iñnen nicht also / als da sie ehedessen schwanger ge-
 wesen; **E**s låge iñnen so in der Schoß / und auf denen
 Beinen / würde iñnen so sauer / wenn sie eine Treppe
 steigen sollten. **Q**uid? quod utraque ob disparia à pri-
 stina graviditate signa se non gravidam esse pronunciabat,
 sed symptomata dicta, vel à mensium obstructione morbifica,
 vel molæ præsentia dependere autumabat, atque medicamen-
 ta menses molamve expellentia, corpusque ab imminentे
 graviori morbo vindicantia querula expetebat. Ast perpen-
 dentes utrasque juvenes, non male coloratas, atque mariti
 vegeti consuetudine uti, vere gravidas easdem esse judicavi-
 mus, & tempus gestationis medium patienter expectandum
 fvasimus, quod omne dubium certissime esset dirempturum;
 in spem & solatum interea temporis mixturam ex Essentiis
 lign. aloes, cinnamomi, & cort. citr. essentificatis compositam,
 vel pulverem absorbentem & simul aromaticum exhibentes.
 Medio mensis quinti ambæ motum foetus legitimum primum
 sentientes latabundæ nobis exponunt, eventum prædictioni
 nostræ respondere, offertque junior urinam, quæ talis erat,
 qualcm supra sanis gravidis competere innuimus. **C**omple-
 to gestationis tempore altera, quæjam sexies enixa erat, obe-
 sior, ac carnosior, foerum excludere sustinet, sed deficiunt do-
 lores necessarii. **Q**uarè positu foetus legitime se habente, o-
 stioque uteri jam sufficienter hiscente, hora ante meridiem
 decima, vel undecima, vocati offerimus pulveris pro partu pro-
 movendo duo præbia, duarum horarum intervallo adsumen-

da : unde tandem his assumptis hora quarta pomeridiana pu-
ellus carnosus ac vegetus prodiit ; ast avulsio placentæ obste-
trici nostræ, hic loci veteranae & exercitatissimæ, multum fa-
cessebat negotii : parti supernæ enim cervicis uteri firmiter
ista adhærebat, quare manui obstetricis supra os pubis ad pla-
centam accessus erat perdifficilis. Atque plane eandem je-
coris hujus uterini sedem in altera observavimus ipsi, quippe
quod, laboribus obstetricis non ex voto fluentibus, separare
cogebamur.

§. XVI. Circa indigitatum autem placentæ uterinæ lo-
cum eo nostræ vergunt meditationes : annon idem dispari-
um à pristina graviditate signorum circa initium gestationis
possit non raro esse causa. Dum enim placenta uterina cer-
vici uteri, ceu loco decliviori, adnascitur, necessario primis
mensibus foetus ipse ob funiculi umbilicalis brevitatem eo in-
clinat, & per consequens tumor, & aliquale pondus magis
circa regionem pubis eminet, observaturque, quam isto fuit
graviditatis tempore, quo hepar uterinum altiore in matri-
ce occupavit locum. Admonent vero simul ejusmodi obser-
vationes medicum, ut cautissime in dignoscendis gravidis, pri-
mis potissimum mensibus, procedat, cum sæpe foeminæ ipsæ
nesciant, quid intra viscera sua agatur, & per consequens fa-
cile, tum semet ipsas, tum medicos, decipere possint.

§. XVII. Considerationem diversæ placentæ uterinæ se-
dis, disparitatem quandoque signorum graviditatis à pristina
foeminarum foetalrum conditione parientis, excipiat ruspatio
corporis istius glandulosi lutei in ovario, ad secessum ovuli
imprægnati ex eodem multum facientis, quod REGNERVS
DE GRAAF. Tract. de organ. genital. mulier. c. 14. p. m. 245.
MALPIGHIVS in epistol. Dissertatione de utero ad Cl. Sponi-
um; RVYSCHIUS in observ. de ovo in utero humano reperto,
inserta

inserta Tom. I. Bibliotheca Anatomicae. BOHNIVS Circ. Anatom. Progymn. I. BERGERVS Physiolog. Med. p. 475. & JO. MAVRITIVS HOFFMANNVS *Ideæ machine humanae* sect. 12. p. 91. seqq. diversa licet quodammodo ratione, describunt.

§. XIII. De hujus corporis, vulgo glandulosi dicti, generatione inter celeberrimos Physiologos atque Anatomicos diversa alitur sententia. Cl. enim BOHNIVS atque Excell. JO. MAVRITIVS HOFFMANNVS, secuti GRAAFIVM, statuunt, id ipsum non nisi prævio coitu foecundo generari: Cl. vero BERGERVS, MALPIGHII vestigia premens, negat, quod corpus hocce congressus demum foecundi, sive conceptionis effectus sit, sed adstruit potius, ipsum hanc longe antecedere, ovique veri generationi non præesse modo, verum etiam idem fovere, atque excludere. Uniuscujusque opinionis fautores eandem observationibus & rationibus firmare student. Cl. BERGERVS quippe l. c. p. 458. seqq. potissimum verbis hypotheseos suæ defensionem suscipit: De quo quidem corpore illud vero simillimum videtur, idem ē prædictis illis vesiculis, quæ quovis tempore in ovarij luxuriant, & pro ovulis vulgo habentur, excitari, initioque exiguum admodum esse, tractu vero temporis in eam excrescere molem, ut totam fere ovarii capacitatem plerumque occupet: Nam illarum vesicularum non unam tantum, & alteram, cui lutea isthæc & glandulosa substantia graminis instar adnascebatur, in vitulis junioribus laudatus modo Italus observavit, sed etiam in vaccis, atque animalibus aliis, quorum tamen foetus tam multiplex non est, nec raro in uno eodemque ovario plura lutea hac corpora inæqualis magnitudinis annotavit, quamvis nulla superfœtationis adfuerit suspicio, qui vid. pl. Quod vero Cl. BOHNIVM spectat, hic intrepide

pide l. c. p. m. 19. perspicuis verbis adserit : se nunquam in diversis, tam humanis, quam brutorum subjectis, nisi a coitu excrescentiam illam observasse : paucisque verbis interjectis inquit : pariter quos uteros vaccinos, & ovillos hujus rei experiundæ causa hactenus lustravi, horum non imprægnatorum testiculos glomis hisce glandulosis vacuos, foetorum vero illius tantum lateris, cuius cornu foetum gerebat, testiculum uno, effœto tamen (i. e. ovulo orbo) instructum vidi, hinc ordinarie non nisi coitus prolieri productam substantiam hanc auguror. Cum his BOHNII observationibus exacte respondent à celeberrimo HOFFMANNO l. c. annotatæ, qui ibidem simul injicit mentionem sectionis fœminæ, per quatuor mensium spatium foetum in utero gerentis, ex submersione desperata in Pegnatum flumen vita defunctæ, in cuius ovario sinistro ejusmodi invenit excrescentiam glandulosam pressulæ rotunditatis, leviter adhærcsentem, ita, ut sponte separari potuerit.

§. XIX. Ea vero, quæ circa dictum corpus glandulosum in dissectione uterorum gravidorum observare nobis integrum fuit, sunt sequentia, atque cum observationibus Graafianis, Bohnianis, ac Hoffmannianis maximam partem conveniunt. In ovariis quippe vaccarum foetarum semper in isto latere excrescentiam glandulosam luteam invenimus, in cuius lateris cornu foetus vaccinus hæsit, eamque eo majorem, quo minor fuit foetus, eo minorem vero, quo hic major extitit, ac partui proximior. Demonstravimus etiam aliquot vicibus solertissimis nostris auditoribus cicatricem in summitate dictæ substantiæ protuberantem ; soluta vero cicatrice, stylo, globulo instructo, in cavitatem quandam, pisi majusculesculi capacem, penetravimus. In canum vero fœmellarum gravidarum ovariis numerus glandulosorum corporum respondit

spondit numero in cornibus degentium foetuum. Nec minus in trium puerarum, in ipso partu extictarum, foetusque mortuos intra matricem adhuc continentium, ovariis, (cujus unius corpus, id ipsum non nihil balsamandi fine, reliquarum vero duarum cadavera, curiositatis chirurgicæ & medicæ ergo, incidere nobis concessum fuit) substantiam quandam spongiosam luteam rotundam, ad instar papillæ cum cicatricula protuberantem, clarissime observavimus, & circa unius sectionem pluribus adstantibus medicinæ alumnis conspiciendam præbuimus. Quid? quod in ovario infanticidæ cujusdam, quod è donatione *Magnifici & venerandi nostri SLEVOG-TII* tredecim abhinc annis possidemus, cuivis curioso spectatori substantiam hancce, cerasi majoris magnitudinem habentem, demonstrare valemus. Porro annotavimus in vaccarum ovariis, tam istis, quæ turgida erant hactenus descripto corpore glandulofo, quam eodem vacuis, portiunculas quasdam parvas subluteas, notabiliter duriusculas, quas pro contabescientibus, & contractis corporibus glandulosis, olim veris, habuimus, & adhuc habemus. Ad quam sententiam nostram confirmandam maxime faciunt verba *Cl. BERGERI l. c. p. 457.*

Namque hic notari refert, eam glandulam ita paulatim contrahi, & minui, ut tandem vix aliquod ejusdem vestigium extet. Id quod in aliis citius, in aliis tardius contingere à ratione minus abhorret. Hucusque Bergerus. Naturæ enim in more positum est, partibus, officio suo circa hominem nascendum functis, sensim sensimque nutrimentum debitum subtrahere, unde necessario imminui, & contabescere easdem oportet, exemplo manifestorum venæ & arteriarum umbilicalium canarium, brevisque tubi arteriosi, inter arteriam pulmonalem & aortam descendenter siti, quippe quas partes in ligamenta, satis tenuia & impervia, successu temporis abire conspicimus.

§. XX. De origine & usu itaque excrescentiæ glandulosæ intimatæ summa sententiæ nostræ, utpote phænomenis circa eandem consurgentibus conformior, est: quod equidem prima stamina, tanquam radices ipsius, in ovariis lateant, atque ovulo, ad maturitatem usque, per connexa vascula nutrimentum conveniens adducant, non prius tamen oculis, non armatis, eadem sub specie corporis rotundiusculi ac lutei ordinarie compareant, nisi à prævio coitu, quippe post quem à virtute expansiva seminis generosi masculi minima hujus substantiæ moles admodum late & expedite, paucorum dierum spatio, ad maxime notabilem magnitudinem succrescit, papilla sua magis magisque extuberat, ambientemque ovarii tunicam paulatim emollit atque perfodit, retractaque sensim fibrarum motricium contractione sinum suum aperit, & per hujus ovariique hiatum ovulum, propter magnitudinem & maturitatem ad egressum ex ovario paratum (adjuvante, per dicta, niduli hujus fibrosi constrictione, qua contracta avulsaque vascula, à quibus illud pendet, sine ullius effusione succi idem dimittunt) in oviductum expellit & protrudit, uti quidem nobiscum ita arbitrantur Cl. GRAAFIVS, atque ex parte celeberrimus BERGERVS. A cuius posterioris tamen sententia in eo recedere nobis liceat, dum, p. 465. præsertim, judicat: ovulum summe maturum à solo æstu venereo, & inde dependente ovarii & glandulosæ excrescentiæ fibrarum motricium contractione, applicationeque tubarum Fallopianarum ad ovaria ē sede sua expelli & citra concursum ordinarium & actualem seminis masculi ad ovulum, in ovario contentum, adeoque ex mente ipsius, conceptionem, s. ovulorum foecundationem, non in ovariis fieri, sed potius in utero, postquam ovula ope oestri venerei eo fuerint delata, & semine masculo undique ibidem conspersa. Ex hocce vero phænomeno

meno hypothesin suam probabilem reddere gestit Cl. Autor, quod per sola veneris ludibria, & fricaticum salacitatem ova interdum subventanea citra prævium coitum fuerint excreta, idem annotantibus KERCKRINGIO, atque BOH. NIO. Ast sicuti talem ovuli non fœcundari deportationem in uterus raro, & certis saltem sub circumstantiis, evenire, ipsius adsertores ultro fatentur: ita *Excell.* BOHNIVS *Circ.* *Anat. Progymn.* I. hujus phænomeni hanc subesse rationem suspicatur, quod aliquando in ejusmodi subjectis lascivis sibi relictis similis substantia lutea generetur, quatenus vel a stimulis venereis intrinsecis, vel extraordinario sanguinis & succi genitalis orgasmo exagitationem intestinam & secessionem portionis lymphaticæ unius alteriusve ovuli ē mente sua, imprægnationis motui similem, contingere, non impossibile sit. Quam maxime vero hypothesi Bergerianæ contrariari videntur istæ aliquot Cl. Anatomicorum observationes, quibus constat, quod post coitum demum ordinarie alteratio quædam in ovario, & in eodem ovulum, corpore glandulosō luteo opaco circumdata, ab iisdem fuerint conspecta. Per consequens semen masculum opus habuit ad ovarium ipsum penetrare, ut mutationem istam ibidem perficere potuerit. Observatio egregia est, quam hoc de negotio habet solertissimus organorum genitalium muliebrium ruspator REGNERVS DE GRAAF. l. c. in Tract. de hac materia, quæ ut integra huc transcribatur, mereri videtur: Brevi namque post coitum ovarum tunicas, quæ antea diaphanæ erant, opacas devenire conspicimus, multisque sanguineis vasis adornari, & postero die post opacitatem illam conspectam inter dictas ejus tunicas glandulosam quandam materiam, totum ovum involventem, globulique figuram repræsentantem, intueberis, quæ sensim accrescens ovum undique comprimendo, illud tandem

per foramen, quod in cuniculis tertio post coitum die, in o-
vibus, vaccis, aliisque majoribus animalibus, quæ diutius u-
terum gerunt, tardius evenit.

§. XXI. Dum igitur hucusque prolixè satis in exponen-
dis & recensendis observationibus & meditationibus de cor-
pore luteo ovarii, tum aliorum Autorum, tum nostris, occu-
pati fuimus, manu quasi ducimur ad considerationem novi o-
varii quibusdam dicti, h. e. racemi, vel congeriei vesicula-
rum quam plurimarum, intra uterum & circa internum ejus
orificium, ac cervicem, juxta aliquot Autorum observationes,
reperibilium. Abiere sane Physiologi & Anatomici circa u-
sum hisce corpusculis globosis adsignandum in diversas op-
niones, dum alii, ut BARLIVS *dans les Nouvelles decouvertes*;
ORTLOBIUS, *in Historia Part. & oeconom. animal. Dissert.*
XXXIV; & LITRIVS *dans les Memoires de l' Academie Roya-
le des sciences*, teste MORGANGNO *in Adversar. Anatom.*
p. 37. eadem pro hydatidibus habuere; alii, è quorum nume-
ro ipse MORGAGNVS atque VERHEYENVS, pro
glandulis liquidum glutinosum secernentibus, quod in gravi-
dis uteri orificium claudit; alii, ut Cl. HEINRICI, *in Dissert.*
de vesiculis seminalibus mulierum, pro conceptaculis, vesi-
cularum seminalium virilium vicem sustinentibus, sive semen
proliferum profundentibus; alii vero, sicuti jam innuimus,
pro veris novisque ovulis mulierum, in quibus ipse fœtus
formaretur. Posterioris hypotheseos inventor est Cl. Profes-
sor atque Anatomicus Lipsiensis D. NABOTH, qui in differ-
tatione de sterilitate mulierum Ao. 1707. *Lipsiae ventilata* eandem
è situ commodiori harum vesicularum ad fœcundationem præ
ovulis in testibus muliebribus reperiundis, conformatioне ea-
rundem plane singulari, ac determinata, dum placentam, tu-
nicas, humores, embryonem atque vas a, ceu partes ad fœ-

tus productionem necessarias, continerent; ordinariorum ovariorum statu scirrhoso, & defectu ovulorum in iisdem, obstructione tubarum Fallopianarum, conceptione tamen nihilominus facta, adstruere summopere annis est. At licet ad cuncta hæcce argumenta jam tum à non paucis pererudite responsum fuisse doceat, ut putamus, *Epistola Problematica Excell. Professoris Lipsiensis MICHAELIS ERNESTI ETT-MULLERI, de ovario novo ad Cl. RVYSCHIVM prescripta, hujusque ad eandem responsio, Adversariis Anatomico-Medico Chirurgicis, Anno 1717. editis, inserta no. 2. p. 4. de ovario, ut habetur novo & de hydatidibus plura.* Nihilominus tamen dantur adhuc Cl. quidam Medici, qui ovaria duo nota, & hucusque à celeberrimis Anatomicis unanimi consensu pro veris habita, in dubium vocare, & ovarium Nabothianum vel ipsis ceu commodius substituere, vel tamen ovulorum in ovario antiquo defectum idem abundantissime restituere & supplere sustinent. Sententiæ hujus Patronum egregium reperimus celeberrimum *Consiliarium Regium & Professorem DN. FRIDERICVM HOFFMANNVM in Medicina Rationalis Systematicæ Tom. I. p. 341.* quippe qui sequentem in modum differit §. 14. : Vulgo habitum ovarium an vera ovula generationi apta contineat, nondum res satis plana ac perspicua est. Et §. 15. Verisimiliore orum appareat sententia, qui ovarium intra uterum & circa internum ejus orificium ac cervicem constituunt, ubi utique racemos innumerorum ovulorum semper conspicitur, quæ & facilius semine virili fœcundari & à compedibus liberari possunt. Rationes vero dubitandi ipsi sequentes sunt: 1.) Quod ratio neutiquam adsequi possit, quomodo vesiculæ ovariorum fœcundatae à firmo membranarum involucro, cui altius insident, sine insigni læsione & erosione ovarii & extravasatione humorum se liberare possint. 2.) Nullo modo concipi pos-

sit, quomodo ovulum ab ovario liberatum per canales Fallopianos, ultra duos transversos digitos ab ovario distantes recipi, & ad uterum provolvi queat. 3.) Non intelligatur, quomodo genitura virilis per solidum uteri corpus, vel tubas clausas commode ad ovarium & ovulum salva sua textura pervenire, idque fœcundare possit.

§. XXII. Liceat igitur nobis Excellentissimo huic, aliisque ovarii novi fautoribus & adsertoribus ad tria hæcce argumenta responsiones quasdam, non lascivo contradicendi studio, quippe à quo alienissimi sumus, sed veritatis indagandæ amore modeste proponere 1.) enim ovariorum s. testium muliebrium involucrum membranaceum tam firmum non est, quin idem ab ipsius ovuli maturi & corporis glandulosi lutei mole ita attenuetur, ac expandatur, ut tandem in summitate sensim perfodiatur, ovulumque placide & sine effusione humorum dimittat. Quorsum apprime præter supra à nobis exposta, & sedem ovuli exclusi in ovariis perspicue adserentia, faciunt verba REGNERI DE GRAAF l. c. Foramen, inquit, per quod ovum expelli diximus, ante glandulosam globulorum substantiam frustra quæsiveris, quandoquidem immediate ante & post ovi expulsionem tantum appareat, cum aliqui prominentia, quam præ similitudine non inepte papillam nominaveris, cuius foramen pro animalis magnitudine variat; stylum in vaccis, in cuniculis vero tantummodo setam admittit. Neque 2.) magna difficultate premi arbitramur ad assertionem, qua tubas Fallopianas, licet non nihil ab ovariis distantes, ovulum ad secessum e sede sua pronissimum exciperre & ad uterum devolvere perhibetur: modo cogitemus à CL. RUVY SCHIO in muliere, brevi ab imprægnatione interempta, partem tubæ proboscidis instar ad ovarium tortam, ut maturum exciperet ovulum, visam & demonstratam esse in

obs.

obs. de ovo in utero humano reperto. Quemadmodum enim
 membrum virile extra veneris appetitum pendulum, flaccidum
 atque breve observatur, tempore vero *œstri* venerei elonga-
 tur, attollitur, ac rigidum fit: ita non videmus, quid obstet,
 quo minus tubæ Fallopianæ, (licet diversissima sit horum ca-
 naliū & penis structura) laxius cum ligamentis uteri latis
 cohærentes, elongentur quasi, proximius ad ovaria accedant,
 eadem ornamentis suis foliaceis amplectantur, & hiantibus
 veluti faucibus ovula matura, si quædam adsint, excipient, mo-
 tuque peristaltico fibrarum suarum in uteri cavum dein-
 ceps sensim devolvant? Omnem denique circa generatio-
 nem animalis ex ovo, in testibus muliebribus reperiundo, du-
 bitandi occasionem præcidere videtur elegans illud NVCKII
 experimentum, à Bergero l. c. p. 457. quoque commemora-
 tum, quo ille in cane fœmina tertio post congressum die ex-
 traxit per vulnus, abdomini inflictum, sinistri lateris cornu,
 cuius ovarium jam duobus ovulis masculis notabiliter con-
 spicuum vidit, idemque deinde inter ovarium & vaginam,
 medio loco ligatura arctiori constrictum, reposuit, ac vulnus
 obligatum intra octiduum ad cicatricem perduxit. Vigesimo
 primo vero ab injecta ligatura die canem secuit, & cornu si-
 nistri partem, ligaturam inter & ovarium, dupli obseßam
 fœtu, alteram vero partem, ligaturam inter & vaginam, va-
 cuam & inanem deprehendit. Deniq; 3) non opus est, ut de viis,
 per quas semen masculum ad ovarium & ovula, salva sua tex-
 tura, pervenire, hæcque fœcundare possit, multum laboremus.
 Sunt enim foramina tubarum Fallopianarum circa ingressum
 in uteri cavum in statu naturali minus occlusa, adeo, ut tam
 circa uteros humanos, brutorumque cornua, flatum in corpo-
 rum horum cavitates injectum, ex iisdem in tubas, & ex his
 vice versa in uterum, vel cornua, prompte aliquoties pene-

trasse observaverimus, id quod etiam feliciter successit, quando vel hydrargyrum, vel Tincturam croci sandalive in tubas Fallopianas injecimus. Præterea è singulari in observando dexteritate & industria Cl. FRIDERICI RVYSCHII patet, quod semen masculum, quoad substantiam crassam quoque, in coitu non solum in uteri cavum, sed & in tubas Fallopianas usque penetret, & evibretur. Curiosissimus enim hic Anatomicus in *Adversariis Anatomico-Medico-Chirurgicis* l. c. mentionem injicit dissectionis uteri & tubarum Fallopianarum meretricis pulcherrimæ, ab amasio suo statim post coitum imperfectæ, quarum partium cava semine masculo, albo, bono & naturali referta deprehendit. Idemque spectaculum olim se vidisse perhibet in cadavere mulieris cum adultero deprehensa in adulterio, statimque à marito deprehensore imperfectæ, ut descriptsit in *Thesauro Anatomico*, quem ordine Vto evulgavit. Cum igitur semini, à viro ætate viribusque valente evibrato, usque in ipsas tubas promptus accessus patet, nihil morabitur spiritum ejusdem generosum, s. auram vitalem subtilissimam, quin expedito itinere usque ad ipsa ovaria migret, ibidemque ovulum maturum fœcundet, sive motum vitalem in eodem excitet.

§. XXIII. Ex argumentis, quæ Cl. NABOTH pro confirmando ovario novo in medium producit, maxime strigens esse videtur, quod conceperint atque pepererint fœminæ quædam, quarum tamen testes omnibus ovulis, s. vesiculis, fuerint destituti, & loco horum corpusculorum vel pinguedine, pilis, aut duritie scirrhosa obsessi: nec non quod orificia tubarum fuerint clausa reperta. Evidem de dexteritate observandi optimi viri dubitare nefas ducimus, sed merito observationibus fidem habemus. Hoc tamen momentum pensandum proponimus: an non in ovario, vel dextro, vel sinis-

sinistro, eo tempore, quo facta fuit conceptio, unum alterumve sanum, & ad foecundandum aptum ovulum hæserit, ac status præternaturalis descriptus, tum respectu ovariorum, tum utriusque tubæ, integro graviditatis spatio vel oriri, vel potius augeri potuerit. Ut adeo minime inferri queat, quod foetus in ista puerpera, cuius mentionem fecit DN. D. NABOTH, in nullo ovulo, quod hæserit intra testes muliebres, fuerit formatus. Ast jam dudum Anno 1708. D. D. CHRISTIANVS FRIDERICVS BVTTIGER in dissertatione Lipsiæ ventilata, in qua fœtum non ante conceptionem, sed post eandem, formari docet, argumentum hocce publice discussit, ut adeo plura addere prorsus supervacaneum censemus.

§. XXIV. Celeberrimorum igitur Anatomicorum observationibus, his de vesiculis annotatis, probe trutinatis easdem vel cum BARLIO, ORTLOBIO, LITRIO atque RVYSCHIO pro hydatidibus habemus; vel cum VERHEYENO, MORGAGNO atque HEISTERO in *Compend. Anat.* p. 59. pro glandulis vel vesiculis, humorem glutinosum secernentibus, qui in gravidis uteri orificio claudit; puta, postquam horum corpusculorum globosorum præsentia in omnibus subjectis sanis, justæque ætatis, erit demonstrata. Cl. RVYSCHIVS, qui se in exponenda partium genitalium structura non parum exercuit, *l. c. obs. 2. p. 4.* hac de re ita pronunciat: Profiteor igitur palam, plurima me cadavera fœminina, eaque variæ valde ætatis, incidisse atque intento perlustravisse animo & oculo, neque tamen unquam in cavo uteri vidisse aliquid, quod ulla omnino specie ovarium verum referret. Quare tandem *p. 7.* concludit, ovarium fictum Nabothianum fuisse modo hydatidum inter rugas valvulosas os uteri internum obsidentes natarum congeriem.

Hydatides autem hujusmodi, ut in omni morbo lento partes quascunque occupant, ita viscera præprimis infestare interiora observantur frequentissime. Ego vero censeo, hydatides esse extremitates vasorum sanguiferorum, quæ priorem suam mutaverunt naturam, atque in vitiosam degenerarunt fabricam.

§. XXV. Ovarii Nabothiani considerationem excipiat breve tunicarum, fœtum humanum in utero ambientium, atque funiculi umbilicalis examen. Satis enim notum est, quanta ad hunc usque diem inter Cl. Anatomicos atque Physiologos de hisce partibus vigeat disceptatio, dum scilicet plurimi duabus saltem tunicis, chorio nempe atque amnio, fœtum humanum in ergastulo uterino includi, nullam vero aliantoidem, inter tunicas dictas medium, atque tertiam constituentem, nec urachum pervium in funiculo umbilicali adesse perhibent. Alii contra, è quorum numero quam maxime NEEDHAM, GRAAFIVS, BIDLOO, MVNNICKS aliquique, contrarium adserunt, partim, ut putant, experientia propria, partim hoc potissimum argumento permoti, quod inter tunicas fœtuum quorundam brutorum, ut vaccarum & ovium cum primis, tunica quædam farcimini maximo similis, & ideo Græce ἀλαυσονδης nominata, sit reperibilis, quæ urinam fœtus per urachum è vesica excipiat, & ad partus usque tempus asservet, cumque per consequens fœtui humano eadem urinam excernendi incumbat necessitas, quæ brutorum fœtibus, adesse etiam debeat tunica urinaria, ceu liquoris obsceni receptaculum, cum uracho pervio. Antequam autem mentem nostram clarius de hujus tunicæ existentia vel adserenda vel neganda exponamus, expromamus prius observationes quasdam circa dictas partes institutas. Per bene nemp̄ recordatur D. Præses, quod hic loci in Theatro A-

natomico diversis temporibus duo cadavera fœminina gravi-
da, fato interempta, à *Magnifico Anatomiae Professore DN. D.*
SLEVOGTO fuerint incisa, & se t. t. medicinæ alumno,
aliisque quamplurimis commilitonibus præsentibus à Cl. Pro-
fessore, inter examen tunicarum foetus, maxima cum sedulitate
tunicæ urinariæ facta fuerit inquisitio, ast nulla talis tunica in-
ter chorion & amnion media, foetum undiquaque cingens,
urinamque asservans, inveniri & demonstrari potuit. Absolu-
tute etiam necessarium esset, si inter secundinas humanas da-
retur allantois, ut urachus in funiculo umbilicali humano per-
vius esset, ceu qui urinam illuc è vesica foetus deportare de-
beret. Verum dupli experientia propria compertum ha-
bemus, eum in uno subjecto statim circa fundum vesicæ pe-
nitus occlusum, in altero vero vix ad digitii minoris transversi
latitudinem à vesicæ fundo pervium fuisse. Posterius phæno-
menon licuit nobis observare d. 6. Novembris anni 1718. pro-
xime elapsi in foetu masculo, è sartoris uxore laboriosissima
operatione instrumentis extracto ; prius vero ante aliquot an-
nos in dissectione uxoris civis cujusdam hic loci in partu ex-
tinctæ, ejusdemque foetus, in utero non minus vita privati ;
simul aliquot medicinæ studiosis spectaculum spectantibus.
Injecimus quippe tubulo flatum in cavum vesicæ apertum,
sphinctere interea accurate compresso, unde vesica quidem
egregie fuit distenta, nullo modo vero urachus : cum tamen
in vesicas foetuum vaccinorum propulsus fatus promptissime
ex iisdem in urachos, & ex his in sibi continuatas allantoides
progrediatur, easdemque propulsione continuata mirum
quantum expandat. Nihilominus tamen nondum, nisi pluri-
bus factis experimentis, tunicae urinariæ & urachi pervii circa
foetum humanum existentiam prorsus negamus ; nec audemus
cum **RIOLANO**, **VESLINGIO**, **RVYSCHIO**, aliis-

que pro infallibili adserere, quod urina in foetus vesica usque ad partus tempus asservetur. Licet enim eandem in duobus dictis subjectis, respectu proportionis in adultorum corporibus, utique majorem cum dictis Autoribus deprehenderimus, attamen urinæ copia ibidem collecta non adeo insignis fuit, ut inde concludere potuerimus, fuisse ipsius integrum molem, formationis tempore congestam. Neque arridet nobis cum DRELINCVRTIO statuere, quod foetus in amnii liquorem mingat, eumque deinde ore resorbeat. Sed potius hæc talia cum meritissimo & ornatissimo Professore BERGERO in medio rerum nondum satis exploratarum relinquimus. Quam maximam vero pensitationem circa hoc negotium meretur perelegans observatio Excell. SLEVOGTII, qua constat, in puerō bimo & in parturiente urinam ex umbilico profiliisse à se visam, cum in illo per urethram à cálculo obstructam, & in hac à fœtu in utero compressam, exitum non invenerit, sicuti recenset *Dissertatione de incontinentia urinæ* p. 7. Præbet hæc observatio occasionem cogitandi de uracho olim pervio, & quod natura sui conservationi intenta viam pristinam repe- tierit. Sed reservabimus tunicarum fœtum ambientium, & ex his maxime urinariæ, nec non urachi examen ulterius alii, & quidem commodiori, occasione.

§. XXVI. Finem dissertationi nostræ imponat obser- vatio de interni uteri oris, ejusdemque corporis maximam partem in partu prolapsu. Die nempe 3^r. Octobris anno 1716. vocabamur ad textoris uxorem, triginta annos natam, ut fœ- tum mortuum extraheremus. Accedentibus nobis obstetrix & adstantes mulierculæ attonitæ statim exponebant: Fœmi- nam maximo uteri prolapsu laborare & uterum gravidum ma- gnam partem extra cunnū prominere. (Uteri vero prolapsu jam olim virgo affecta fuit.) Adspicientes summe monstrosum spe- ctaculum, saccū membraneo-carnosum distentum referens, ob- stu-

stupuimus; foetus situm vero inquirentibus legitimus idem occurrit, capite orificium uteri versus spectante facieque prona; nihilominus obstetrix eidem exitum parare nequivit, cum puerpera constrictione muscularum abdominis parum vel nihil ad foetus expressionem conferre potuerit. Capitis igitur cutim cerebrique involucra inter laxius cohærentia bregmatis ossa non æque difficili negotio solvimus, unde mollis cerebri substantia effluxit, quo facto caput forcipe firmiter apprehendimus, sicque, prout par erat, modice trahendo integer subsequebatur foetus. Inter operandum tum ipsi altera manu, tum obstetrix, uterum prolapsum ejusdemque os retinuimus: id ipsum enim tanquam necessarium ratio dictitabat, ne scilicet uterus vel longius extraheretur, vel periculosa ipsius inversione succederet, quippe ad quam eo tempore pronum esse Excell. pariter Anatomicus atque Chirurgus R V Y S C H I V S, obseru. Anatomico-Chirurg. centur. obseru. 25. p. 32. sequentibus verbis docet: In hoc statu foetus adhuc viventis exitum naturæ committendum esse, existimo, & os uteri utraque retinendum. Denato vero foetu totum negotium in eo constitut, ut una manu, quantum possibile est, extrahatur, & altera os retineatur, ne simul cum foetu prolabatur, & invertatur uterus, eo tempore ad inversionem pronus. Addendum vero huic præcepto putamus, quod obstetrix præter uteri retentionem, foetus adhuc viventis quoque egressum digitis & manibus suis omni modo, provide tamen, promovere teneatur, cum tali in casu puerpera parum, vel nihil, cohibitione spiritus ad foetus exclusionem conferre possit, nec tuto quoque debeat. Hoc enim si præstare potuisset nostra, propriis viribus foetum, legitime constitutum, atque minorem paulo, enixa esset. Pereundum tamen puerperæ nostræ tandem fuit, licet uterus post partum convenienter & blande esset repositus: febris enim superveniens ipsam, omnibus præfidiis irritis, die II. Nov. extinxit. Sed hæc jam pro instituto nostro sufficient. Deo autem T. O. M. immortales agimus gratias pro præstito nobis auxilio.

F I N I S.

ZU stellst/ Geehrter Freund / der gant-
hen Welt ans Licht/
Was Dein besond'rer Gleiß ihm längst hat
ausersehen/ (verspricht/
Wovon dein Vaterland sich viele Frucht
Ech aber laß es iht bey diesem Wunsch be-
stehen/
Es segne der Höchste dein stetes Begissen/
Bis daß du erreichest die himilischen Zissen.

Mit diesen wenigen wollte seine gebührende
Gratulation ablegen Dessen ergebenster

P. J. ELARDI, Golno-Pom.

Mens hominum errorum genetrix rimatur & hæret,
Num cuncta ex ovo, sive aliunde sient?
TE natum ex cerebro, JVVENIS PRAECLARE! Minervæ,
Ausibus eximiis asseris Ipse Tvis.

Hisce Præ- Nobilissimo atque Doctissimo Domino Re-
spondenti de edito specimine gratulatur

SERVATIVS SCHAD,
de Mittel Bibrac. Ulm.

CVM dederis specimen doctrinæ insignis & artis;
Gratulor & cœptis annuat opto Deus.

Hæcce Prænobilitissimo atque Doctissimo Domino
Respondenti gratulab. adjecit

JOAN. THEOPH. BONZIVS,
LL, Cult, Ulma-Svevus.

Quanta

Qvanta sit ingenii *Tibi vis ostendis; Amice;*
Dum solide inquiris, quæ sit ratio generandi
Hinc lætabuntur, qui *Te genuere parentes*
Et merito *Patriæ spes exoptabilis audis,*
Denique Musarum *Mater Salana* decorem
Inde sibi capiet, *talem generasse peritum*
Artis sanandi Gnatum virtute cluentem,
Lætos ergo *Tvis successus apprecoſ ausis,*
Utque *Tvo cedant mox præmia digna labori.*

Paucis hisce clarissimo ac eruditissimo Domino
Respondenti de egregio specimine gratulari, su-
amque amicitiam contestari voluit

J. V. Hildebrand. v. s. L. C.

Nescit iners laudes quas dicat carmine Musa,
Cum *Tuus* haud una floreat arte vigor.
Abdicta mox animo naturæ claustra sagaci
Quæris, & ipsius viscera mira vides.
Mox numeras hominum tristes in corpore nævos,
Quorum *Te* nec fons neve medela latet.
Ruptaque nunc herbæ tellure cacumina tollis,
Et vim Paconiam providus inde capis.

Nunc

Nunc juvat intortis solvisse cadavera vinclis ;
Et sic in minimis Numinis Magna vides !
Insolitas rerum caussas & stamina poscis,
Nec sine fonte *Tibi* mundus uterque placet.
Hinc quid , quod magno dicas conamine , miror,
Ortus quis nostri fonsque modusque siet ?
Sic operâ quivis è matre in luminis auras
Miranda factus prodit , agitque diem.
Sed *Tibi* natales similes patet esse Minervæ,
Quæ Jove nata dea est , Pallade Tuque satus.
Qui nunc abjectos posses deprimere fœtus,
Cum dotes hæ sint , HENNENHOFERE ! *Tibi*.
Plausibus hinc meritis ausus probat , atque sacratas
Mox frondes Nato mittet Hygea suo.
Et dum civiles arte in convictis in usus,
Vespillo flebit , tristiaque æra movens.

Sic gratulabundus ominatur

Jacob. Frideric. Baur.
LL. Stud. Ulm.

